

Պրոֆ. Խ. Սամուելյան—«Հին ՀԱՅ ԻՐԱՎՈՒՆԻԻ ՊԱՏՄՈՒԹՅՈՒՆ»,
Հատոր I: ԽՍՀՄ Գիտությունների Ակադեմիա—Հայկական Ֆիլիալ.
Երեւան, 1939 թ., էջ 363.

Պրոֆեսոր Խաչիկ Սամուելյանի վերջին մենագրությունը հայ իրավունքի պատմության մասին՝ լուրջ ուսումնասիրություն է: Մենագրության մեջ ամփոփված փաստական տեղեկանքները խոշոր նշանակություն ունեն անգամ հայ հին գրականության մի շարք կարևոր պրոբլեմների ճշգրիտ պարզաբանման համար: Հուսարանելով հայ ժողովրդի կուլտուրայի կարևոր հյուղերից մեկը, Սամուելյանը պարզում է բնութագրում է կոնկրետ սոցիալական այն փուլը, որի վրա հյուսվել են հետո տեղյակի գաղափարական-մտավոր հոսանքները: Կասկածից զուրկ է, որ հայ իրավունքի պատմությանը նվիրված մենագրությունը կարող է օժանդակել բոլոր այն բանասերներին, որոնք շատ հաճախ, նյութերի և գիտական հետազոտությունների բացակայության հետևանքով, ստիպված են ընդհանուր, մակերեսային և առաձգական ենթադրություններ անել անցյալում իշխող սոցիալական հարաբերությունների մասին: Իրավական վավերագրերը շատ կարևոր պատմական աղբյուրներ են, սակայն հենց այդ աղբյուրներն էլ ամենից քիչ են ուսումնասիրվել մեզ մոտ: Եղած ուսումնասիրություններն էլ կրում են միակողմանի բնույթ և շատ հարեանցի կերպով են միայն մոտենում պատմական պրոբլեմների լուսաբանությանը: Այդ կողմից Սամուելյանի նոր հետազոտությունը կարող է համարվել հազվագյուտ արժեք ունեցող նորություն:

... «Հին հայ հասարակության իրավական վերնաշենքը,—նկատում է պրոֆ. Սամուելյանը,—լայն ուղիներ է բաց անում պատմագետի առաջ՝ լուծելու մի շարք պրոբլեմներ Հայաստանի սոցիալ-տնտեսական զարգացման պատմությանը նկատմամբ, որոնք մուծ են մտացել կամ անտեսվել են մեր հին մատենագրության մեջ...» (էջ 7. ընդգծումները մերն են. Ա.Կ.): Այդ միանգամայն ճիշտ դիտողությանը կարելի է ավելացնել այն, որ հին ու միջնադարյան հայ գրականության տակավին քիչ լուսաբանված էջերի պարզաբանման համար ևս «իրավական վերնաշենքի» ճշգրիտ բնութագրումը հսկայական նշանակություն ունի: Օրինակ՝ թոնդրակյան դրականության, մոռացված հեղինակների, բանաստեղծների, իմաստասերների, կամ էլ լայնածավալ թոնդրակյան շարժումների ազդեցության ներքո ստեղծված դրականության լուսաբանության համար անհրաժեշտ է ամենից առաջ պարզել այդ ժամանակաշրջանի սոցիալական հարաբերությունների իսկալական պատկերը: Հասարակությունը նկարագրությունը, հայ հին պատմիչների չափազանց թուլեցիկ և անկատար ակնարկները, վերջապես առանձին հեղինակների դրական ելույթները կամ «նշույթները» (Մազիստրոս, Նարեկացի, Օձնեցի, Անանիա Նարեկացի և այլք) հաղորդում են միմյան շատ ընդհանուր տվյալներ—գրեթե միշտ տեղեկացիոց և կցկտուր փաստեր: Այնինչ եկեղեցական ժողովների կանոնները, այլ խոսքով՝ հին օրերի իրավական խտացած նորմաներն օժանդակում են թե՛ շարժման սոցիալական բնույթի և թե՛ պատմական դարձագրման հիմնական ուղեգծի պարզաբանմանը: Այդպիսի օրինակներ շատ կարելի է բերել:

Առայժմ լույս է տեսել պրոֆ. Խ. Սամուելյանի մենագրության միայն մի մասը—առաջին հատորը: Դա բավական սովոր և փաստալից հատոր է՝ բաղկացած երեք հիմնական հատվածներից: Առաջին հատվածում հեղինակը սեղմ խոսքերով բնութագրում է հայ իրավունքի հետազոտության ընդհանուր վիճակը: Այդտեղ Սամուելյանն ընդգծում է այն, որ գրեթե բոլոր հին հետազոտություններն էլ կրում են միակողմանի բնույթ: Մի հիմնական թերություն նշմարելի է բոլոր հին բանասերների մոտ էլ: Թե՛ պատմագիրները

և թե՛ իրավազտանքները սովորաբար իրենց հետազոտությունների մէջ Ելշում հեն այն հենա-
կետից. որ «իրավաբանական նորմերն ու իրավական ինստիտուտները ծագում են հենց
ինքնին իրավունքից, որպես մարդկային բնության մեջ հավիտյան բովանդակված քաղաքու-
թյան ու հշմարության ոգուց»... Երկրորդ հատվածում Սմունելյանը կանգ է առնում հայ
իրավունքի աղբյուրների մանրակրկիտ քննության ու բնութագրման վրա՝ Այդ Այդվածն
ամբողջ մենագրության հետաքրքրական մասերից մեկն է։

Այդ տեսության մեջ առանձին արժեք է ներկայացնում հայ սովորութային իրավունքի բնութագրմանը նվիրված պուլիտ Շեշտերով ազգագրական գրականություն շատ հարուստ ավյալների մեծագույն կարևորությունը, Սամուելյանը հրավիրում է իրավագետներին անհրաժեշտ ուղադրությամբ մոտենալ հին սովորույթի գիտական ուսումնասիրությանը: Նրա այդ դիրտողությունը միանգամայն տեղին է, քանի որ հայ բանասերները ամենից քիչ լուստեղանել են հենց սովորութային հայ իրավունքի աղբյուրները: Միանգամայն ճիշդ է ու սահման Սամուելյանի գիտողությունը, թե՛ «Հայ ֆոլկլորի գաղափարախոսությունը և այլոճետային պատկերների մեջ, ընտանեկան եւ գյուղական նահապետական կենցաղի ծխակամ կարգերում որոշ չափով արտացոլվել են հասարակական-արտագրական հարաբերությունները, որոնք կռվաններ են տալիս պատկերելու ամբողջ սովորութային իրավունքը...» (ընդգծումը մերն է. Ա. Գ.): Այդպիսի հարուստ նյութեր, ինչպես նկատում է Սամուելյանը, շատ կան «մեր հին ու միջնադարյան գրականության մեջ»: Հետաքրքրական է մենագրության մեջ նաև հայ կանոնակամ որոշումների տեսությանը նվիրված հատուկ գլուխը: Այդ որոշումների մասին ժամանակին գրել են մի շարք հայ բանասերներ, որոնք բոլորն էլ ցույցի են մոտեցել են սղգայնակամ ակնոցներով զինված: Նրանք խուսափել են անգամ պարզել եկեղեցական կանոնների սոցիալական բնույթը, Նախառակ այդ բանասերների միակողմանի եւ սղգրից մինչև վերջ հակադիտակամ (մեթոդին, Սամուելյանը նորից առաջինն է, որ հիշեցնում է կանոնական որոշումների պատմական էվոլուցիայի եւ սոցիալական էություն ուսումնասիրության կարևորության մասին:

Օտար ղեցեպցիային նվիրված գլուխը մենագրություն մեջ, ղեքատաբար, չափազանց սեղմ է ու համառոտ: Ըստ երևույթին հեղինակը հնարավորություն չի ունեցել մանրակրկիտ կերպով ուսումնասիրելու մի շարք կարևոր ձեռագրեր: Անցյալում իրավունքի ալոքրինակ աղբյուրները, կասկածից զուրս է, շատ կարևոր նշանակություն են ունեցել: Իր մենագրության մեջ Սամուելյանը կանգ է առնում մասնավորապես Մովսեսական իրավունքի, Ատորա-հալուսեական Դատաստանագրքի և Հալուսեական իրավունքի ղեցեպցիայի վրա: Նրա գիտությունները շատ թուղիկ են, թեև ժամանակին հիշեցնում են մեր բոլոր մասնագետներին, որ հայկական հին ձեռագրերի ուսումնասիրությունն այսուհետև կարող է ու պիտի ըթթանա ավելի մեծ թափով:

Մենագրության մեջ ամենահնաքերական գլուխներից մեկն է ազգային դատա-տանադրքերի ջննությանը նվիրված ընդարձակ գլուխը, որն ինքնին արգեն կարող է հա-մարվել առանձին մի ղառուֆաստիբուլթյուն։ Այդ գլխում Սամուելյանը կանգ է առնում Դա-վիթ Սլավյան ռբող Ռատաստանագրերի, ապա Մխիթար Գոշի հայտնի Դատաստանագրքի և վերջում էլ Սմբատ Գունդատապի Դատաստանագրերի վրա։

Աղբյուրների մեջ ուրույն տեղ են գրավում հայ պատմագիրները մի կողմից և վիճական արձանագրությունները մյուս կողմից: Կարևորագույն այդ աղբյուրների վրա հեղինակը կանգ է առնում առանձին դիտում և, կարծես, թեյալարում է մեր իրավագետներին՝ հատուկ ուշադրությունը մոտենալ անցյալում անշուշտ չափով գնահատված այդ աղբյուրներին:

Երրորդ հատվածում Սամուելյանը տալիս է հայ իրավունքի համադրությունը, Այդ հատվածը բաղկացած է երկու ընդարձակ մասերից, Առաջին մասում ընդլայնվում են հայ իրավունքի պատմական զարգացման էտապները, իսկ երկրորդում խոսվում է հայ պետական ու վարչական իրավունքի մասին:

Որքան էլ հապճեպ ու վիճելի համարվեն Սամուելյանի կողմից առաջագրված մի շարք ղեկավարություններ հայ իրավունքի զարգացման մասին, այնուամենայնիվ չի կարելի ժխտել, որ նա կարողացել է տալ հիրավի շատ հետաքրքրական, բավանդակալից և այժմեական մի հետազոտություն:

Ակսելով ճանաարարական իրավունքից, հեղինակն անցնում է Բազրատունյաց կամ արաբա-բյուզանդական շրջանին և ապա ավարտում է իր տեսությունը՝ քավական ման-

նորոակացն կախման մասին: Սամուելյանը, ի միջի այլոց, կանգ է առնում Նդիշի մի դիտողութեան վրա: Ցանկանալով բնութագրել Հայաստանում մնացած ազնվական կանանց թըշվառ դրութիւնը, Նդիշեն դրանց համեմատում է շինականների հետ, անվանելով վերջիններին «գեղջուկ վշտացեալ» կամ «շինակամ վշտամբեր» (էջ 267):

Չափադանց հետաքրքրական են այն էջերը, ուր նկարագրված են շինականների սոցիալական շարժումները: Դրքի այդ մասն էլ մի առանձին էքսկուրս է, լեցուն փաստական հարուստ տվյալներով: Այդտեղ առանձնապես խոսվում է նաև Թոնդրակյան մեծածավալ շարժումների մասին: Դժբախտաբար բովանդակալից այդ էքսկուրսի մեջ անհրաժեշտ չափով չի պարզաբանված անցյալի ժողովրդական շարժումների քարդ բնույթը: Եկեղեցական կանոններն ակնարկում են, ի միջի այլոց, ըմբոստ հերետիկոսներին աջակցող իշխանների, բարձրաստիճան հոգևորականների, անգամ «թագավորական տան» ներկայացուցիչների մասին: Հայտնի են հայ պատմիչների արած հավաստումներն ու դիտողութիւնները Արշակ Բ-ի քաղաքականութեան մասին՝ Արշակավանի առթիւ: Նման տվյալները հիմք են տալիս ենթադրելու, որ միջնադարյան Հայաստանում ևս ժողովրդական շարժումները, որպես դասակարգային պայքարի արտահայտութիւն, հարկավոր է քննարկել երկրի սոցիալական հասարակութիւնների ամբողջականութեան ասպեկտի տակ, հատկապես աչքի առաջ ունենալով կենտրոնացած պետութեան ձգտող թագավորների քաղաքականութիւնն ընդդեմ աշխարհիկ ու հոգևոր ֆեոդալների:

Սամուելյանի հետադոտութեան մեջ կան հատկանշական դիտողութիւններ նաև ըստ լուրկութեան մասին: Հակառակ մի շարք հայ պատմաբանների հայտարարութիւններին, նա հաստատում է, որ հին Հայաստանում գոյութիւն է ունեցել ստրկութեան ինստիտուտը: Այդ մասին վկայում են մի շարք պատմիչներ: Կան որոշակի ակնարկներ հայ հին դատաստանագրքերի մեջ: Սամուելյանի կարծիքով՝ հայ օրինագրքերի առանձին հոդվածները կազմել են նույնիսկ հին հայկական որոշ շրջաններում՝ համապատասխան սովորույթների հիման վրա: Նա համոզված է, որ եղել են անգամ «տեղական որոշումներ» ստրուկների վիճակի մասին:

Ստրկութեան ինստիտուտը զարգացած էր հատկապես կիլիկյան թագավորութեան սահմաններում (էջ 301): Մենագրութեան մեջ ընդգծվում է, որ Սմբատ Գունդուսապի հայտնի Դատաստանագրքի հոդվածներն ստրուկների մասին՝ լրացնում են Մխիթար Գոշի Դատաստանագրքի մեջ էլ կան ակնարկներ ստրուկների մասին: Յիլիկիայում գոյութիւն ունեւ ստրկավաճառութիւն: Այդտեղ ջենտլմենների հետ կնքվում են դաշնագրեր, ուր խոսվում է ստրուկների վաճառքի մասին:

Իս կանգ չեմ առնում մենագրութեան այն տողերի վրա, ուր խոսվում է ստրուկների իրավական դրութեան և հատկապես ստրկութեան նպաստող աղբյուրների մասին: Բանասերի հիմնական դրույթն այն մասին, թե Հայաստանում իրապես եղել է ստրկութիւն, կարելի է միանգամայն հաստատված համարել: Նդիշ են ոչ միայն ուղղագրութիւն-ստրուկներ, այլև իրենց պարտքերը չվճարող աղատ մարդկանցից ստրուկներ: Այն հանգամանքը, որ Մխիթար Գոշն իր Դատաստանագրքի մեջ փորձում է ուսմանափակել իրենց զավակներին ստրուկներ դարձնող (վաճառքի միջոցով) ծնողների «սովորութիւնը», ակնառու կերպով ցույց է տալիս, որ ոչ միայն կիլիկյան, այլ նաև հայաբնակ այլ վայրերում ստրկավաճառութիւնը կապված էր իշխող կարգերի հետ:

Շատ կարճ խոսքերով եմ ես բնութագրում Սամուելյանի աշխատասիրութեան նշանակութիւնը: Կարելի էր կանգ առնել նաև այն էջերի վրա, ուր ակնարկվում է հայ կանանց իրավական կացութեան մասին: Սամուելյանը նշում է, որ տիրապետող դասակարգերի կանայք կրել են ժամանակին պատրուկ կամ պարուն կոչումները—ցուցաբերել են տիրական իրավունքներ (էջ 247): Նա կանգ է առնում հատկապես Հոռոմոսի (1228) վանքի մի արձանագրութեան վրա և ապա պատմում է վիմական մի շարք ուրիշ արձանագրութիւններին մասին: Կանայք վանքերին և եկեղեցիներին նվիրաբերում էին գյուղեր, այգիներ և դրամ—կառուցում էին վանքեր, եկեղեցիներ, կամուրջներ և այլ հասարակական շէնքեր: Անի քաղաքի պարիսպների բուրգերից մի քանիսը անցի կանայք են կառուցել իրենց միջոցներով: Չնայած շատ ակնառու այդ տվյալներին, XII դարի այնպիսի մի վավերագիր, ինչպիսին է Մխիթար Գոշի Դատաստանագրքը, չի արտացոլում ամենեւին միջնադարյան հանրաճայտ այդ իրավունքը: Սամուելյանը գտնում է, որ «Դատաստանագրքի հեղինակն այդ հարցում օգտագործել է հին իրավաբանական աղբյուրները ... և արտացոլել է վաղեմի

տոհմա-սլատրիարխատական գերդաստանական կաղմի վերապրուկները, երբ կինը գտնվում էր ստորագրված, իրավագուրկ գրության մեջ (էջ 248)։ Ինչ թվում է, որ կարելի է ասել նաև հետևյալը։ Հենվել քաղստեպետ դատաստանագրքերի և կանոնագրքերի իրավաբանական նորմերի վրա չի կարելի, երբ խոսվում է հասարակական բարդ հարաբերությունների մասին։ Եթե վիժական արձանագրությունները միանգամայն նոր լույսով են մեկնաբանում կանանց (թեկուզ և ազնվական կանանց) իրավական կացությունը, ապա կարելի է պնդել, որ այսուհետև նման արձանագրությունները և մասնավոր նյութական կուլտուրայի հուշարձաններն ավելի լայն չափով պիտի քննարկվեն հայ կուլտուրայի հին էջերի լուսաբանության համար։ Համառոտ մատենագրական ակնարկի մեջ անհնարին է, իհարկե, կանգ առնել մենագրության մեջ արձարժված բոլոր պրոբլեմների վրա։ Իմ նպատակն էր հիշեցնել, որ հայ իրավունքի պատմության մասին գրված առաջին ամփոփ այդ ուրվագիծը սոսկ ամսանագրիտական մենագրություն չէ, այլ ընթերցողների ամենալայն շրջանների համար էլ արժեքավոր մի գիրք։

Մի դիտողություն միայն թերևս անհրաժեշտ է անել ամբողջ մենագրության մասին։ Ակնարկելով հոռմեական իրավունքի ղեկավարի մասին, Սամուելյանը պրեթե ամենեին կանգ չի առնում հայ հին դատաստանագրքերի տաքստուսը նպաստող ռեալ գործոնների վրա։ Ելնելով իր համոզմամբ կատարելապես անառարկելի այն թեզից, թե հիշված դատաստանագրքերը եղել են քաղաքացիական հասարակության դոկումենտներ և արտացոլել են միմյանից որոշ դասակարգի մտահայեցություններ—աչքաթող է անում մի հանգամանք։ Նա ժողովրդության է մատնում այն, որ քաղաքների զարգացման շրջանում առանձին գործիչներ ենթարկվել են քաղաքային կուլտուրայի ազդեցության։ Այդ մասին համեմատյալ դեպք ակնարկում են նյութական և հոգևոր կուլտուրայի բազմաթիվ և բազմազան հուշարձանները։ Եթե այդ այդպես է, ապա ուրեմն կարելի է ենթադրել, որ անգամ «Դատաստանագրքի» նման մի վավերագրի մեջ պիտի նշմարվեն նոր էպոխային հատուկ որոշ էլեմենտներ։ Մի թե պատահական է այն, որ հատկապես Գոշի Դատաստանագիրքը տարածվում է հենց որոշ պատմաշրջանում, որոշ շրջանից սկսած էլ առանձին տոն է հաղորդում իրավունքի «ընդհանրացման»։ Չի թեղարում արդյոք այդ ակնառու հանգամանքը իրավագիտներին՝ հատուկ ուշադրությամբ մոտենալ Գոշի Դատաստանագրքի մեջ նշմարվող որոշ օրենքների քննարկմանը և ուսումնասիրությանը։ Շատ հարցեր կարելի է տալ նաև մենագրության մեջ արձարժված ուրիշ պրոբլեմների մի քիչ սխեմատիկ լուսաբանության առթիվ։ Հայ իրավունքի պատմության ուրվագիծն ասպարեզի վրա է դնում անդամ չլուծված կամ շատ քիչ լուսաբանված պատմական պրոբլեմների գիտական լուսաբանության խնդիրը։ Շեշտված «սխեմատիզմ» էլ չի կարող նսեմացնել ժրաջան բանասերի ձեռնարկած խոշոր աշխատանքի մեծ արժեքը։ Այնքան էլ մեծ չէ հայ ժողովրդի սոցիալ-կուլտուրական պատմության մասին գրված հետազոտությունների թիվը։ Ահա թե ինչու հայ կուլտուրայի—գիտության, արվեստի, գրականության զարգացմանը սնունդ տվող պատմահասարակական միջավայրի լուսաբանության նվիրված ամեն մի նոր ուսումնասիրություն միշտ կունենա ընթերցողների ամենալայն կոնտինգենտ։ Սամուելյանի գիրքը հենց այդօրինակ գիտական հետազոտության մի փորձ է, որ պիտի համարվի շատ արժեքավոր նորություն...

ԱՐՏ. ԿԱՐԻՆՅԱՆ